

ERINDISBRÉF

Atvinnu- og menningarmálanefndar Hornafjarðar

Stjórnskipuleg staða

Atvinnu- og menningarmálanefnd Hornafjarðar starfar á stjórnslusviði og heyrir beint undir Bæjarstjórn Hornafjarðar. Starfsmenn nefndanna eru forstöðumaður menningarmiðstöðvar Hornafjarðar og bæjarstjóri.

Skipan, seturéttur á fundum og áheyrnaraðild

Í atvinnu- og menningarmálanefnd eiga sæti fimm fulltrúar kosnir af bæjarstjórn að afloknum sveitarstjórnarkosningum skv. ákvæðum *sveitarstjórnarlaga nr. 45/1998* og *laga um almenningsbókasöfn nr. 36/1997*. Bæjarstjórn kýs nefndinni formann og varaformann og hverjum aðalmanni er jafnframt kosinn varamaður. Hafi tveir eða fleiri flokkar eða framboðslistar haft samstarf um kosningu atvinnu- og menningarmálanefndar, skal sá sem tilnefndi viðkomandi nefndarmann einnig tilnefna varamann hans, nema öðruvísi hafi verið ákveðið í yfirlýsingu skv. 2. mgr. 24. gr. sveitarstjórnarlaga.

Kjörtímabil atvinnu- og menningarmálanefndar er hið sama og bæjarstjórnar. Auk kjörinna fulltrúa eiga bæjarstjóri, forstöðumaður menningarmiðstöðvar Hornafjarðar og framkvæmdastjóri stjórnslusviðs rétt til fundarsetu með málfrelsi og tillögurétti. Þá er heimilt að kalla til á fundi Atvinnu- og menningarmálanefndar sérhvern þann er tengist málum sem fjallað er um hverju sinni. Starfsmönnum stofnana bæjarins er skylt að sitja fundi atvinnu- og menningarmálanefndar sé þess óskað.

Hlutverk og verksvið

Meginhlutverk atvinnu- og menningarmálanefndar er að móta stefnu í atvinnu- og menningarmálum sveitarfélagsins, með það fyrir augum hvað vænlegast er fyrir sveitarfélagið að gera til eflingar atvinnu- og menningarlífi. Nefndin gegnir jafnframt hlutverki stjórnar menningarmiðstöðvar Hornafjarðar skv. stofnskrá hennar og hlutverki bókasafnsnefndar skv. ákvæðum laga um almenningsbókasöfn. Meðal verkefna nefndarinnar er:

- ◆ að vera bæjarstjórn til ráðgjafar og veita umsögn um erindi er tengjast atvinnu- og menningarmálum
- ◆ að fylgjast með framkvæmd laga og reglugerða er snerta starfssvið nefndarinnar
- ◆ að hafa umsjón með Jöklasýningu
- ◆ að nýta nýja möguleika með samstarfi
- ◆ að gera tillögur að fjárhagsáætlun til bæjarstjórnar um útgjaldaliði menningarmála
- ◆ að stuðla að fjölbreytni í menningarlífi, með því að standa fyrir bókmenntakynningum, fyrirlesturum, kvikmyndasýningum, leiksýningum, listsýningum, tónleikum o.fl.
- ◆ að vinna að vinabæjasamstarfi innanlands og utan og samvinnu við nágrannasveitarfélög í ýmsum efnum
- ◆ að huga að fornleifarannsóknum og vernd gamalla húsa og minja
- ◆ að efna til sérstakra menningardaga
- ◆ að veita árlega menningarverðlaun eftir nánari ákvörðun nefndarinnar
- ◆ að hafa umsjón með opinberum listaverkum og minnisvörðum
- ◆ að veita styrki til menningarmála í umboði bæjarstjórnar
- ◆ að stuðla að útgáfustarfsemi
- ◆ að gera tillögur til bæjarstjórnar um útgjaldaliði á sviði atvinnumála
- ◆ að afla tiltækra upplýsinga, m.a. í samstarfi við aðrar nefndir, um þau atriði sem mestu máli skipta varðandi atvinnuaðstæður og byggðapróun
- ◆ Eiga samstarf við aðrar stofnanir í Nýheimum eftir því sem við á.
- ◆ Halda utan um rekstur atvinnu- og rannsóknasjóðs og listvinasjóðs.
- ◆ að eiga samstarf við Ferðamálafélag Austur-Skaftafellssýslu eftir því sem við á
- ◆ að efla ferðaþjónustu í sýslunni með starfi að sameiginlegum hagsmunamálum

- ◆ að standa fyrir almennum fundum og annarri kynningu um atvinnumál
- ◆ að fylgjast með atvinnuhorfum og vinna ásamt bæjarstjórn gegn almennu atvinnuleysi og bjargarskortu
- ◆ að hafa umsjón með fjallskilum í sveitarfélaginu
- ◆ að hafa eftirlit með forðagæslu og búfjárhaldi
- ◆ að tilnefna búfjárefnarmenn
- ◆ að veita bæjarstjórn umsögn um forkaupsrétt að jörðum
- ◆ að fylgjast með lausagöngu búfjár og gera tillögur um samþykktir þar að lútandi
- ◆ að hafa umsjón með garnaveikibólusetningu
- ◆ að vera leiðandi afl í landgræðslu í sveitarfélaginu
- ◆ að fjalla um önnur þau mál sem bæjarstjórn felur henni.

Starfshættir

Um starfshætti undirnefnda Bæjarstjórnar Hornafjarðar er fjallað í IV. kafla í *Samþykkt um stjórn og fundarsköp Sveitarfélagsins Hornafjarðar* og skal ákvæðum kaflans fylgt eftir því sem við á.

Atvinnu- og menningarmálanefnd kemur saman á fastákveðnum fundartíma einu sinni í mánuði. Skal gerð samþykkt um þennan fundartíma á fyrsta fundi að fenginni tillögu bæjarstjóra. Boðað skal til aukafunda að ákvörðun formanns eða ef a.m.k. tveir nefndarmanna óska þess. Heimilt er að fella niður fundi að sumarlagi og á öðrum tímum að mati formanns. Nefndin getur auglýst einstaka fundi sína opna, en verður annars að samþykkja viðveru hvers þess, sem ekki á seturétt á fundinum.

Þá getur nefndin staðið fyrir kynningarfundum vegna starfa sinna eða þeirra verkefna sem til umfjöllunar eru, og skulu slíkir fundir öllum opnir.

Nefndarformaður stýrir fundum nefndarinnar.

Forstöðumaður menningarmiðstöðvar Hornafjarðar sér um að taka á móti erindum og málum sem leggja á fyrir atvinnu- og menningarmálanefnd. Hann útbýr í samráði við formann skriflegt eða rafrænt fundarboð þar sem tilgreindur er fundarstaður og -tími og dagskrá í tölusettum liðum. Fundarboð skal sent öllum aðalmönnum (varamönnum í forföllum aðalmanna) og öðrum sem seturétt eiga á fundum atvinnu- og menningarmálanefndar. Boðun funda skal fara fram með tryggilegum hætti svo öruggt sé að fundarboð hafi borist öllum í síðasta lagi sólarhring fyrir fund. Fundargerð seinasta fundar skal send með fundarboði.

Forstöðumaður menningarmiðstöðvar Hornafjarðar færir fundargerð hvers fundar og er ábyrgur fyrir að hún sé lesin upp í lok fundar og staðfest af viðstöddum fundarmönnum. Fundargerð skal greina númer fundar, skv. talningu ákveðinni af bæjarstjórn, hvar og hvenær fundur er haldinn og hverjir sitji hann. Skrá skal mál sem tekin eru fyrir og þess sérstaklega getið ef mál er tekið fyrir utan dagskrár fundarins. Lýsa skal erindum með meginefni þeirra, aðilum og dagsetningum bréfa.

Atvinnu- og menningarmálanefnd afgreiðir mál með samþykktum, ályktunum og ákvörðunum. Sé mál ekki afgreitt samhljóða, skal greina í fundargerð hvernig atkvæði hafa skipst.

Fundargerð má hvort heldur sem er færa í gerðarbók eða beint í tölvu, en sérstaklega skal gætt ákvæða í *Samþykkt um stjórn og fundarsköp Sveitarfélagsins Hornafjarðar*. Í lok fundar skal fundarritari lesa fundargerðina upp og allir viðstaddir undirrita hana í gerðarbók og á útprentun tölvufærðrar fundargerðar ef því er til að skipta. Forstöðumaður menningarmiðstöðvar Hornafjarðar kemur undirritaðri fundargerð til framkvæmdastjóra stjórnsýslusviðs sem sér um að fundargerð sé tekin á dagskrá næsta fundar Bæjarráðs Hornafjarðar.

Ályktanir til bæjarstjórnar og bæjarráðs skulu ætíð sendar bæjarstjóra í sérstöku erindi sem forstöðumaður sýslusafns útbýr.

Fulltrúar í atvinnu- og menningarmálanefnd skulu fá hæfilega þóknun úr bæjarsjóði fyrir störf sín samkvæmt nánari ákvörðun bæjarstjórnar.

Eftirfylgni

Atvinnu- og menningarmálanefnd og forstöðumaður menningarmiðstöðvar Hornafjarðar hafa með höndum framkvæmd þeirrar stefnu sem mótuð hefur verið á hverjum tíma varðandi málefni menningarmiðstöðvarinnar. Formaður og aðrir fulltrúar í Atvinnu- og menningarmálanefnd skulu snúa sér til bæjarstjóra til að fylgja eftir þeim ákvörðunum og samþykktum sem ekki eru alfarið á verksviði Atvinnu- og menningarmálanefndar að framfylgja.

Réttindi og skyldur nefndarmanna

Um réttindi og skyldur nefndarmanna gilda ákvæði *Sveitarstjórnarlaga* og *Samþykkt um stjórn og fundarsköp Sveitarfélagsins Hornafjarðar* eftir atvikum.

Nefndarmanni er bæði rétt og skylt að sækja fundi nema lögmat forföll hamli. Nú forfallast aðalmaður um stundarsakir og skal hann þá boða tilnefndan varamann sinn og láta formann eða forstöðumann menningarmiðstöðvar Hornafjarðar vita um forföllin með góðum fyrirvara. Flytjist aðalmaður burt úr sveitarfélaginu, falli hann frá eða forfallist varanlega á annan hátt, tekur tilnefndur varamaður sæti hans þar til aðalmaður er kosinn að nýju og eftir atvikum annar varamaður.

Hver nefndarmaður á rétt á að koma máli á dagskrá fundar, enda skili hann efni þess til forstöðumanns menningarmiðstöðvar a.m.k. fimm sólarhringum fyrir fund. Nefndarmenn skulu hafa hag bæjarins, og menningarmiðstöðvar sérstaklega, að leiðarljósi við störf sín en eru ekki bundnir af öðru en sannfæringu sinni og lögum í atkvæðagreiðslu um málefni á vettvangi atvinnu- og menningarmálanefndar. Þá skulu þeir virða í hvítetna *Samþykkt um stjórn og fundarsköp Sveitarfélagsins Hornafjarðar*.

Nefndarmenn, forstöðumaður menningarmiðstöðvar og aðrir sem fundi Atvinnu- og menningarmálanefndar sitja eru bundnir þagnarskyldu um það sem þeir fá vitneskju um á fundum eða í öðru starfi sínu fyrir Atvinnu- og menningarmálanefnd og ætla má að leynt eigi að fara samkvæmt eðli máls, lögum eða samþykkt 2/3 nefndarmanna, hvort sem þau varða einka- eða almannahagsmuni.

Nefndarmaður skal víkja af fundi við umræður og atkvæðagreiðslu mála sem varða hann sjálfan, skyldmenni hans eða nánustu venslamenn svo mjög að ætla má að það móti viljaafstöðu hans að einhverju leyti. Honum er þó heimilt að gera stuttlega grein fyrir afstöðu sinni áður en hann víkur af fundi. Nefndarmanni er skylt að vekja athygli á því ef hæfi hans til meðferðar máls orkar tvímælis.

Lög og reglugerðir

Í störfum sínum skal Atvinnu- og menningarmálanefnd taka mið af þeim lögum og reglugerðum sem snerta starfssvið hennar, sérstaklega þó lögum um almenningsbókasöfn nr. 36/1997, lög um húsfriðun nr. 104/2001, lög um flutning menningarverðmæta úr landi og um skil menningarverðmæta til annarra landa nr. 105/2001, safnalög nr. 106/2001, þjóðminjalög nr. 107/2001, lögum um Þjóðskjalasafn Íslands nr. 66/1985, lögum um Náttúrufræðistofnun og náttúrustofur nr. 60/1992, lögum um félagsheimili nr. 107/1970 og lögum um listskreytingasjóð ríkisins nr. 46/1998, [lögum um atvinnuleysistryggingar nr. 12/1997](#), [lögum um vinnumarkaðsaðgerðir nr. 13/1997](#) og [lögum um skipulag ferðamála nr. 117/1994 m.s.b.](#) lögum um bæjanöfn o.fl. nr. 35/1953 m.s.b., girðingalögum nr. 135/2001, lögum um landgræðslu nr. 17/1965, ábúðarlögum nr. 64/1976, jarðalögum nr. 65/1976, lögum um afréttamálefni, fjallskil o.fl. nr. 6/1986, lögum um búfjárhald o.fl. nr. 103/2002, lögum um Jarðasjóð nr. 34/1992, lögum um sinubrennur og meðferð elds á víðavangi nr. 61/1992, lögum um vernd, friðun og veiðar á villtum fuglum og villtum spendýrum nr. 64/1994 og búnaðarlögum nr. 70/1998.. Þá skal nefndin fylgja *Samþykkt um stjórn og fundarsköp Sveitarfélagsins Hornafjarðar* eins og hún er hverju sinni.